

LOKUVAMILE

Hulumende ulwa nekuvuta kwemanti

Chris Bathembu

Cynthia Ncapayi waseBhayi, eMphumalanga Kapa, wetfuka ngesikhatsi tindleko takhe temanti tikhombisa kutsi ukweleta ngetulu kwe-R70 000. Ncapayi ungumake loyedvwa lohola ngaphasi kwe-R200 000 ngemnyaka. Bekati kutsi bantfwabakhe lababili angeke badale sikweleti lesisetulu kangaka nekwenza ute ngisho negiza, intjintjajowzi ngisho nelibhavu lekugezela imbala.

Nasekuphenyisiswa, kwatfolakala kutsi Ncapayi bekanenkinga yekuvuta kwemanti lesekube yinkinga emalokishini lamanengi aseNingizimu Afrika. Bomakhelwane bakhe labanengi babike tikweleti temanti letinkhulu kuletinyanga letengcile kantsi loko kube yimbangela yekuvuta kwemaphayiphi kanye netimpompi letiphukile.

Minyaka yonkhe, iNingizimu Afrika ilahlekelwa tigidzigidzi leti-R7 ngenca yekuvuta kwemanti kantsi kulahlekelwa kubanga tindleko kulelive. Lawa ngemanti langabe asetjentiswa ngemakhaya latigidzi langakhoni kufinyelela kutfolo tinsitakalo letisisekelo njengemanti nekuhanjiswa kwekungcola.

Kodvwa luhlelo lolusha lwekonga emanti loluvunywe yiKhabhinethi lulindzeleke kutsi longe emanti aelive latigidzi temalitha lasaphatekako. Mengameli Jacob Zuma wetfule luhlelo Imphi Yekulwa Nekuvuta Kwemanti, *i-War on Leaks*, eBhayi kungasikudzala lokuyintfo letawusita labasebenta ngetandla laba-15 000, ema-ajensi emanti kanye nalabasebenta ngemaphayiphi balungisa timpompi nemaphayiphi lavutako emimangweni yangakubo njengendlela yekugcugcutela kongiwa kwe-manti.

Luluhlelo lubhekeke kutsi lutsatse sikhatsi seminyaka lesihlanu kantsi bantfu labasha laba-15 000 labangasebenti bawucecshwa kulemikhakha lemitsatfu, lebitwa ngekutsi ema-ajenti emanti, labasebenta ngetandla kanye nalabasebenta ngemaphayiphi. Loku kucinsekisa kutsi Umkhakha waseNingizimu Afrika Wetemanti Nekuhanjiswa Kwekungcola utawuhlonjiswa ngemakhono ekwenta lamanyenti kanye nemandla ekukhona kunciphisa kulahleka kwemanti eveni.

Indvuna Yetemanti Nekuhanjiswa Kwekungcola Nomvula Mokonyane sewuvele ukhetse baka-Rand Water kutsi bacalise ngekusebenta kwemklamo weMphi Yekulwa Nekuvuta Kwemanti.

"Enkhulumeni yakhe Yebunjalo Belive, Mengameli uvakalise kukhatsateka mayelana netigidzigidzi letingetulu kwe-R7 letilahleka



Mengameli Jacob Zuma, ubonakala lapha aneNdvuna Yetemanti Nekuhanjiswa Kwekungcola Nomvula Mokonyane, wetfule luhlelo lwekonga emanti lolutawuphindza futsi ludale ematfuba ekucecshwa kubantfu labasha labatinkhulungwane.

ngemnyaka tetindleko temanti lelive lelila-hlekela ngito ngenca yetakhiwonchani letindzala netimpompi letivutako. Kunemanti futsi lokungatiwa kutsi angakanani. Ubese-ke ucela litiko kutsi livele netinyatselo tekungenelela," kwasho Indvuna Mokonyane.

"Luhlelo Lwemphi Yekulwa Nekuvuta Kwemanti ngeke lusisite kuphela ngekusongela emanti kodvwa lutawunika tinkhulungwane tebantfu labasha baseNingizimu Afrika ematfuba emisebenti lasimeme lafanana newalabasebenta ngetandla, labasebenta ngemaphayiphi kanye nalabasebenta ngemanti labatawusebenta kulabo masipala lababonakele banesidzingo," kwasho yena.

Lokucecshwa kutawukwentiwa ngetigaba, lapho kulindzeleke kutsi sigaba sekucala simukele bantfu labasha labalinganiselwa kwabati-3 000 bese kulandzela labati-5 000 ngesigaba sesibili bese kutsi ngesigaba sesitsatfu kube bafundzi labati-7 000 labatawucecshwa ngemnyakamabhuku wa-2017/18.

Nakakuhluma eBhayi, lapho loluhlelo lwe-fulwe khona ngalokusemsetfweni, Mengameli Zuma utsite lalabasebenta ngemanti bawulungisa, bafake kabusha baphindze bafake lokunye. Batawubekwa kubomasipala kulo

lonkhe lelive.

"Umlayeto wetfu lomcoka lesiwucondzise kini utsi kufanele kutsi songe emanti. Emanti akahlali atfolakala njalo. Nangabe asiwanakekeli atasiphelela. Sonkhe siyawabona emanti lavuta kuto tonkhe titaladi kanye nase-makhaya etfu kunetimpompi letitfontso nemaphayiphi lavutako.

"Lokulahlekelwa ngemanti kwenteka ngetindlela letahlukahlukene njengetakhiwonchani letiphasi kwemhlaba, tisetjentiswa letinemaphutsa naletinganakekelwa netakhiwonchani lesetigugile," kwasho Mengameli.

Bomasipala sebevele bacalile ngemiklamo lemikhulu yekwenta kabusha takhiwonchani ikakhulu emaphayiphi lavutako. Lemphi Yekulwa Nekuvuta Kwemanti itawukhutsata loko Litiko Letemanti Nekuhanjiswa Kwekungcola kanye nabomasipala labavele bamatasatasa ngako, kulungisa kabusha emaphayiphi laphukile kanye naletinye takhiwonchani," kwasho yena.

Hulumende ubeke eceleni tigidzi letilinganiselwa ku-R680 kulomnyakamabhuku lesikuwo.

Indvuna Mokonyane utsite bomasipala betifundza labange-27 kulelive basesimeni lesibi

sekuswela emanti.

"Kusebentisana kanye nemabhodi etemanti, kutawucecsha bantfu labasha, kubanike imvume yekutfola sithifiketi ngekusebenta ema-SETA kantsi batawube bachumene nemabhodi etfu etemanti lahlukahlukene, loko kutasisita ngekusinika emandla ekwenta," kwasho yena.

Uphindze wangeta ngekutsi bantfu labasha labanyenti batawubekwa kubomasipala betifundza lapho kudingeka khona tingenelelo.

Sodolobha waseNelson Mandela Bay Danny Jordan utsite iNelson Mandela Metro, lefaka ekhatsi bomasipala baseBhayi, e-Uitenhage naseDespatch, basigodzi letiswela emanti.

"Sinensayeya lenkhulu, kungaleso sizatfu kutsi sitsatse sincumo sekutjala timali kakhulu ekutseni kubekhona emanti njengemfombolusito lomcoka kulelidolobhakati. Sijabule kakhulu ngobe Mengameli ulapha kutekwefula leluhlelo," kusho Jordan.

"Endzaweni yangakitsi njengelidolobhakati, kufanele kutsi siyilungise indzaba yekuvuta kwemanti. Letikweleti letinkhulu temanti bantfu labanato atisiko temanti labawasebentisile kepha tekwehluleka kwamasipala kusombulula inkinga yekuvuta kwemanti," kwasho yena.

YONGA EMANTI: KUCALA NGAWWE

Minyaka yonkhe hulumente ulahlekelwa tigidzigidzi temarandi ngenca yekuvuta kwemanti kantsi nanome sekukhona luhlelo lolwefufuliwe lwekubukana naloku, kusemahlombe etfu sonkhe kutsi songe litfonsi lemanti.

Konga emanti kubalulekile kuyo imvelo. Kusita lelive kutsi likhona kubukana nekusweleka kwemanti kantsi loko kungongela wena imali. I-Vuk'uzenzele ikuletsela emasu latsite ekutsi ungawonga njani emanti.

TINDLELA TEKONGA EMANTI EKHAYA



- Vala impompi ngesikhatsi ugeza buso, ematinyo nome nawushefako.
- Nangabe ukhetse kugeza ebhavini, ungalingcwalisi mfi libhavu.
- Kugeza ebhavini kungasebentisa emanti lasemkhatsini wemalitha lange-80 ne-150.
- Emagedlela akangagcwalisiwa mfi kepha

utsele emanti lanele sidzingo sakho. Loku kutakwehlisa sikweleti sakho sagezi.

- Ungatigcwalisi ngalokwecile ticukatsi letifanana nemabhodo ngobe loko kungabanga kutsi usebentise gezi lomnyenti kufufumeta emanti.
- Lungisa lithoyilethi lelivutako ngobe loko kungasaphata emanti lalinganiselwa ku-



- malitha la-100 000 ngemnyaka munye.
- Gwema kuhambisa emanti asethoyilethi nakute sidzingo. Lahla emgcomeni wetibi emathishu netilokatana nalokunye kungcola kunekutsi ukulahle ethoyilethi. Ngaso sonkhe sikhatsi nawuhambisa emanti asethoyitilethi, usebentisa emalitha la-12 emanti.
- Sebentisa "emanti lamphunga"- emanti lasasebentile asebhavini, asemishinini yekuwasha kanye nalabuya kuleminyane

imitfombo lephephile nawufuna kuhambisa emanti ethoyilethi lakho.

- Sebentisa libhakede kunekusebenta liphayiphi nawugeza imoto yakho. Nangabe kufanele kutsi usebentise liphayiphi, sebentisa sisabalalisi lotawuve usivala ngesikhatsi utsela imoto yakho ngemanti.
- Balimi kufanele kutsi bente siciniseko




- sekutsi tibulalitinambutane letinebutsi atingeni emitfonjeni yemanti kanye nase-mifuneni.
- Ungasebentisi umfula nome lusentse lwemfula njengendlu yangasese.

- Nangabe ubona umuntfu angcolisa emanti, shayela i-Blue Scorpions lucingo ku: 0800 200 200.

TINDLELA TEKONGA EMANTI

ESIVANDZENI

- Nisela titjalo takho njalo ngema-awa asekuseni nome kusihlwa, ngesikhatsi emazingalichwa aphasi. Emakhat-sini wensimbi ye-10:00 nensimbi ye-15:00 ungalahlekelwa ngemanti lange-90% ngekuhwamuka.
- Ngaso sonkhe sikhatsi nawubalisa licandza, yonga lamanti lasapholile kute unisele ngawo titjalo tasendlini. Kukhona letitakuzaza ngetondlamhlaba letiphuma elugobolondvweni lwelicandza.
- Ungatiniseli njalo tivandze takho, kepha tinesele kahle. Kusebentisa liphayiphi lasesivandzeni kungasebentisa emalitha lange-30 emanti ngemzuzu.
- Emanti latfolakala ngekukhona ngotela eluphahlani angagcinwa emathangini kute kuniselwe ngawo tivandze.



Mfombo: Litiko Letemanti

LOKUVAMILE

Thandeka Ngobese

Angelina Masuku, loneminyaka lenge-41, wakaHlabisa, enyakatfo yaKwaZulu-Natal, usibonelo lesiphilako sekutsi kusebenta kamatima kanye nekutinikela titsako letimcoka tekuphumelelisa emaphupho.

Ngaphandle kwemfundvo lehlelekile Masuku usebentisa likhono lalifundza asasemncane lekwenza emabhasikidi etibeka timphahla, tihlalo, lokulengiswa elubondzeni, emabhokisi ebucwebe kanye nemabhasikidi lamakhulu. Lemikhicito itfunyelwa e-Atlanta eMelika kanye nase-Disneyland.

Uphindza futsi aceceshe bomake labangasebenti kanye nebantfu labasha kubasita kutsi bondle iminden yabo.

Masuku utjele i-Vuk'uzenzele kutsi uyise wamshiya emhlabeni ngesikhatsi afundza libanga le-10. Unina akazange akhona kutsi amkhokhele imali yesikolo ngaleyo ndlela-ke waphoceleleka kutsi asishiye phasi sikolo. Wahlala nayisetal wakhe lowamfundzisa kwenta bobhasikidi ngemhlangamlambo, angati kutsi ngalelonye lilanga imikhicito yakhe itawufunwa mhlaba wonkhe.

"Ngaphindze ngafundzisa bodzadzewetfu labane labancane kanye nebantfwabami lelikhono babekati langifundzisa lona. Sanika inkampani yemsebeni webuciko betandla lala lokulukiwe lokubuya eHluhluwe. Nga-2006 ngaya e-African Art Centre e-Durban. Bawutsandza kakhulu umsebeni wetfu sase sicala-ke nabo sabaletseta. I-African Art Centre yangivulela iminyango yangisita kutsi ngingenele Umcudzelwane we-Craft Council. Ngazuka umklomelo wekucala newesibili ngalowo umsebeni lengangenela ngawo kulowo mcudzelwano ngaklonyeliswa R50 000," kwasho yena.

Leminye iminyango yase iyacala-ke iyamvulekela wase ucala utfolo timemo lebuya eJamane, eTaliyane kanye nakulamanye nje emave kutsi atewukhangisa ngemsebeni wakhe. Ngemnyaka wa-2008 waya ku-Ejensi Yekutfutukisa Emabhisinisi Lamancane kutsi bamsite kutsi asungule yakhe inkampani. Njenganyalo imikhicito yakhe uyitfumela ku-South African Lifestyle Hub e-Atlanta kanye nase-Disneyland emabhasikidi langetulu

Kusebenta kamatima kuyakhokhela



Angelina Masuku (losembili) anelicembu lakhe lelimsitako ekutfumeleni umkhicito e-Disneyland.



Angelina Masuku nalomunye wemikhicito yakhe.

kwalange-200 ngenyanga.

Lisekela Lendvuna Yetekutfutukiswa Kwemabhisinisi Lamancane Elizabeth Thabethe uvule ngekwemsetfo likamelo lesikhatsi lesidze lekukhangisa laseNingizimu Afrika e-Atlanta nga-2013, kusita kutsi kukhangiswe ngemikhicito leyakhiwa kuleli kanye nekusita kutsi emaciko langatiwa kanye nabosomabhisinisi labasafufusa kutsi bafinyelele kutfolo timakethe. Lobudlelwane lobukhona emkhatsini weLitiko Letebuciko Nemasiko, ngaphasi kweliso leLisekelandvuna Rejoice Mabudafhasi, kwasita kutsi emaciko emisebeni yetandla atfole kusekwa lakudzingako kute akhona kufinyelele kutfolo timakethe temave ngemave.

Masuku utsi e-Atlanta ema-oda afakwa ngekusebentisa ikhatalogetu letfunyelwa kumakhasimende lanenshisekelo kantsi unabomake labange-25 labamsitako.

"Ngekushesha nje nasebangkhokhele ngibanika imali yabo yalawo mabhasikidi labawentile. Nyalo ngisalungisa sivumelwane sekutsengiselana ne-United

Kingdom. Ngitawudzinga labanye bantfu kute ngente ema-oda akhona ngekushesha nje lesivumelwane sekutsengiselana nasitawuchubeka," kwasho yena.

Masuku utsi weluka bobhasikidi ngekusebentisa umhlangamlambo, labapenda ngemikhicito yemvelo.

"Ngikholelwa ekutseni nasenta imikhicito yetfu ibe nguletayekekile yemvelo loko kusenta kutsi sitfole emakhasimende lamanengi," kwasho yena.

Seluleko saMasuku lasicondzisa kubosomabhisinisi silula nje.

"Ungasabi kucala ibhizinisi. Imfundvo ayikafaneli kutsi ibe sihibe. Ngite imfundvo lehlelekile kodvwa ngiyakhona kuya ngesheya kwetilwandle ngifike ngente tivumelwane tebhizinisi. Ungesabi kucela seluleko, kutakuhlomisa loko," kwasho yena.

Masuku utsite labo labanenshisekelo yemakhono ekwenta bobhasikidi bangambhalela ngencwadzigezi ku: angelina.masuku@gmail.com nome bamtsintse kumakhalekhikhini ku: 072 109 9329.

Kuphepha kucala

Njengaloku lelive lisabuka lenye indlela yekupheka nome yekugcina emakhaya afutfumele kute kongiwe emandla, i-Vuk'uzenzele ikuletsa emasu ekuphepha nawusebentisa phalafini nome nagesi.

Nawusebentisa phalafini:

- Ngaso sonke isikhathi wuphathe ngokucophelela okukhulu upharafini, ngoba unobuthi futhi ungakushisa nesikhumba sakho ngisho noma ngabe awulayithiwe.
- Ungalinge ushiye into esebenza ngopharafini ingenamunntu oyibhekile. Kuba wukuphazima kweso nje okwenza ukuthi umoya, isilwanyana sasekhaya noma umntwana ukuthi agile isibani noma isitofu siphenduke.
- Qiniseka ukuthi izinto ezisebenza ngopharafini zibekwe zaba yisicaba phansi.
- Ungalokothi ufake indwangu ngaphansi kwento esebenza ngopharafini. Umntwana noma ikati kungenzeka liyidonse leyo ndwangu bese iyasha, nokungabangela umlilo.
- Ngaso sonke isikhathi hlala njalo unebhakede lesihlabathi eduzane uma usebenza ngopharafini. Amanzi angeke awucishe umlilo kapharafini okunalokho engawubhebhethekisa.

Umuntfu lomusha utfolo sisombululo sekonga emandla

Noluthando Mkhize

Kunebantfu labasha labanengi baseNingizimu Afrika labandzako ekutfoleni likhambi lekusombululo tinkinga tenhlalo labahlangabetana nato malanga onkhe.

Lomunye wabo nguLuthando Msomi, loneminyaka lenge-23, waseMlazi eDurban, KwaZulu-Natal. Msomi uvele nemcondvo wesisetjentiswa sekupheka lesiphatfwako, lesingasetjentiswa esikhundleni semlilo lobaswa phansi kantsi futsi asiyisebentisi igesi nome igezi.

Lesitofu sisebentisa tinkhuni kuphela kugcina lilangabi lekupheka kanye nekwenza siciniseko sekutsi ligcineka ngalokuphephile.

"Ngibonile kutsi bantfu labahlala etindzaweni tekuhlala letingakahleleki basebentisa umlilo lobaswa phansi, lokuyindlela lengakaphephi. Ebusika kunetigigaba tekusha kwemikhukhu, ngalesinye sikhatsi tibangwa ngumlilo lobaswe phansi."

"Bengifuna kutfolo sisombululo setinkinga tase-Afrika. Bengicabanga kutsi mhlawumbe ngingasungula sitofu. Kungaleyo ndlela-ke lomcondvo lowangifikela ngayo."

Njengaloku live laseNingizimu Afrika lihlangabetana netinsayeya temandla, Msomi utsite kusemahlombe abo bonkhe bantfu baseNingizimu Afrika, ikakhulu bantfu labasha kutsi batfole tisombululo.

Umcondvo wakhe wesitofu lesiphatfwako singasetjentiswa ngesikhatsi kucinywe gezi ngenhloso yekuwonga.

Lesitofu lomcondvo waso utsatselwe kulomunye umcondvo lokhona, nome kunjalo kutsi sona asiyisebentisi igesi.

"Letinye tibonelo letifanana naso lesitofu tisebentisa ithekinoloji lesingeni lesisetulu. Mine bengifuna nje kubuka sitofu lesilula nje letisawusebenta kubantfu baseNingizimu Afrika."

Lomcondvo wekusungula sitofu wangifikela ngemnyaka wa-2013, ngaphasi kwebhizinisi laMsomi, Iziko enterprises.



Luthando Msomi nesitofu sakhe lesiphatfwako.

"Lesitofu sakhiwe ngelithini lapendi lemalitha lasihlanu, lelinensimbi lenemgodzi leshiselwe kulo. Sifaka tinkhuni kulelithini lapendi kute sicale umlilo. Umlilo nentfutfu kuphuma kucondze etulu, kuphephile ngobe lomlilo ucuketfwe kulelithini. Libhodo lihlahla eti kwalelithini."

Msomi, usisebenti setekuchumana Eluphikweni Lwetebudlelwane Betebhizinisi eNyuvesi yaKwaZulu-Natali (e-UKZN) kantsi wase wabangumfundzi kulesikhungo, utsi utfole lusito lolunyenti kumatiko alenyuvesi kute akhe lesitofu.

"Ngibonisane nebanfundi labenta bunjiniyela kanye nalamanye ematiko khona lapha e-UKZN langisite kutsi ngitfutukise lesitofu sidzimate sibe ngumkhicito mbamba."

Ngesikhatsi asacedze kusakha lesitofu, Msomi wacala kusitsengisa nga-R120 sisinye.

"Loku kwentiwa etigabeni tekucala ngisasakha lesitofu. Bengifuna kuva emanti ngelubhoko emakethe kute ngibone kutsi bantfu bangasitsenga

yini. Bantfu basemukela kahle kakhulu. Saya futsi nasetitolo letinkhulu kutfolo kutsi bawawutsenga yini umkhicito wetfu kantsi nakhona lapho satfolo kwemukelwa lokuhle."

Msomi uphindze futsi abe ngulowaphumelela ku-Ithala Banks's 2014/15 Inkunzi Isematholeni Youth in Business Competition.

Ithala Bank isikhungo sahlumende wesifundza.

"Ngashaywa luvalo kutsi ngiphumelele kulomcondzelwano. Nangicala lebhizinisi angizange ngibuke inzuzo. Indzaba beyisekutseni nje sinenkinga singayisombulula njani. Njalo sengifundza ngekutsi kunenzuzo, lokuyintfo lengenta ngijabule."

Utsi manje usasenta kutsi sibenco lesitofu, usacubungula kutsi ngabe site yini bungoti betemphilo kantsi futsi usalinga kutsi sivunywe baka-South African Bureau of Standards.

Thuli Galelekile, umlawuli weluphiko lwetekuchumana kanye nekukhangisa e-Ithala Bank, utsite Msomi utawusitwa mayelana nekutfolo lwati lwekufaneleka kwamkhicito wakhe, kudwetjwa kweluhlelo lwebhizinisi kanye nekusekela ngetimali lomcondvo wakhe webhizinisi.

"Inkunzi Isematholeni Youth in Business Competition isichamukelo lesikholwa kutsi singacala temabhisinisi kubantfu labasha. Ingumklamo locale kubukana nemicondvo lemisha yetemabhisinisi emkhatsini walabasha labangasebenti ngekutsi bagcile kumicondvo lemisha yeteminotfo letingahlukubeti imvelo."

Msomi utsite emasu akhe mayelana nelikusasa afaka ekhatsi kubuka tenhlalo kanye netemabhisinisi letinenzuzo akwente loko sikhatsi lesidze.

"Njenganyalo ngicongelela imali yekucala ibhizinisi kanye nekutfolo somabhisinisi lonelwati lotangifundzisa. Kongiwa kwemandla kuyintfo lebekwe embili lapha eNingizimu Afrika. Kubalulekile kutsi songe emandla kanye nekutfolo tisombululo kutindlela temnotfo longahlukubeti imvelo," kwengeta yena.

Ungayisebentisa njani igesi ngekuphepha:

	
Libhodlela lihambise limile lingalali ngeluhlangotsi	
	
Isebentise endzaweni lengena kahle umoya	Kuyivula, cala ngekulumeka bese uvula igesi
	
Beka kahle libhodo eti kwesitofu	Caphela rawupheka ngemafutsa, kute ugweme umlilo, sebentisa sivimbo selipani/selibhodo.
	
Nasewucedze kupheka, yivale ngci	Yinuke uve kutsi kute yini igesi levutako

Mtfofomo: www.total.co.za